

Ի թուին հազար հարիւր յըսնի  
 Բսան և երկու (=1723)...  
 Խրգրեմ ի ձէնջ ազերսալի  
 Որք ընթերցողք տուք զողորմին  
 Ամէն.»

ՊՕՂՈՍ ՎՐԴ. ՊՈԼՍԵՅԻ.— Մբ. երեսուն տարի պաշտօնա-  
 վարած է Գահիրէի Ս. Աստուածածին եկեղեցիին մէջ. 1843  
 Փետր. 14ին Պօղոս վրդ. կը մասնակցի Գահիրէի ազգ. գերեզ-  
 մանատան Ս. Մինաս եկեղեցիին (Մար-Մինա) վերաշինու-  
 թեան ծախուց, ինչպէս յայտնի է նոյն եկեղեցիին մեծ դրան  
 ճակատի արձանագրութենէն որուն օրինակը կը գնենք հոս.  
 «Շնորհիւ և ողորմութեամբ տեառն կառուցաւ տաճարս Սրբոյն  
 Մինասայ արդեամբ Եգիպտոսի բարեպաշտ ժողովրդոց և ձե-  
 ունտուութեամբ Պօղոս խոհեմափայլ վրդ. Պօլսեցոյ յառաջնոր-  
 դութեան Տեառն Գարբիէլի սրբազան արհի եպիս. Եգիպտոսի.  
 յամի Տեառն 1843 Փետր. 14». կը վախճանի և կը թաղուի  
 տեղւոյն Ս. Մինաս եկեղեցիին արտաքին դրան առջև. հետե-  
 եան է իր տապանագիրը. «Այս է տապան Պոլսեցի բարեկրօն  
 Պօղոս ծայրագոյն վարդապետի որ յետ աշխատելոյ ըստ պատ-  
 շածի կրօնաւորութեան իբրեւ ամս երեսուն յազգային եկեղե-  
 ցին որ յեգիպտոս. փոխեցաւ յանմահական վիճակ վերին ի  
 հասակի եօթանասուն և երկոց ամաց: 1853 Օգոստ. 12»:

ՊՕՂՈՍ ՎՐԴ. ՔԷՕԼԷ.— Մբ. զանազան յիշատակներ թո-  
 դած է Ս. Յակոբի վանքին մէջ (ՄԶ. Թ. 532):

ՊՕՂՈՍ ՎՐԴ.— Մբ. Լսպ. 1223ին. Կիրակոս պատմագիր  
 այս Պօղոս վրդ.ը կը կոչէ. Իշխան Ս. Յակոբայ: Ըստ պատ-  
 մութեան Յովհաննէս վրդ. Գառնեցիի՝ որ 1223 ին Ս. Երուսա-  
 ղէմ ուխտի եկած և Ս. Յակոբ կը գտնուէր Պօղոս վրդ.ի օրով,  
 պատահած է պատկերներու հրաշք մը, ի հաստատութիւն Ա-  
 ւետման տօնի (Ապր. 7). մանրամասնութիւնները տեսնել Կի-  
 րակոս պատմիչ (էջ 200), նաեւ Գիրի Թղրոց (էջ 528): Այս հրա-  
 շից պատմութեան մէջ թէեւ Ս. Յակոբի փակակալին անունը  
 նշանակուած չէ, բայց ձեռագիրներու յիշատակագիր ժամա-  
 նակագրութենէն ստուգուած է որ նոյն հրաշքին ղէպքը պա-  
 տահած է 1223ին սոյն Պօղոս վրդ.ի օրով: